



GOVERNMENT PRESS SECRETARIAT

MINISTRY OF THE PRIME MINISTER AND CABINET

Level 4 FMFMII Government Bulding
Eleele Fou i Matagalalua, Apia, Samoa
P: +68526397 ext. 747
E: lave.tuiletufuga@mpmc.gov.ws
pressoffice@mpmc.gov.ws
eirenei.ariu@mpmc.gov.ws

IUGAFONO A LE KAPENETA

FAUTUAGA MO LE ISI LA'ASAGA O LE VAVAO (Aso 02 Me 2022)

I lana Fonotaga FK (22)Faapitoa 22 o le Aso Gafua 2 Me 2022, na talanoaina ai e le Kapeneta le Pepa PK(22)354 ma faamaonia ai e faapea:

- I. Le fa'aauau pea ona iai Samoa i le Laasaga lona lua (2) lanu moli mo lapataiga o le faama'i o le Koviti19 mo le lua vaiaso faatasi ma ona teuteuga;
- II. O nei teuteuga e amata faamamaluina mai le vaeluaga o le po o le Aso Lua, 3 Me 2022 seia aulia le vaeluaga o le po o le Aso Lua, 17 Me 2022 e pei ona faailoa atu i lalo:
 - i. Le toe amatalia o aoga a le fanau o loo a'otauina i le Iunivesete Aoao o Samoa i le amataga o lenei masina e pei ona fautuaina. Mo Aoga Amata, Tulaga Lua ma Kolisi, o le a amata talatala i le masina nei (Me) peitai ua tãpã le Vaega Maoti o Aoga ina ia faataoto manino mai le fuafuga i le Kapeneta mo le toe a'e uma o aoga;
 - ii. Le tatalaina o itula mo pisinisi uma mai le 6:00 i le taeao e oo atu i le 10:00 i le po mai le Aso Gafua i le Aso Toonai, ona amata lea o le vavao mai le 11:00 i le po e oo atu i le 6:00 i le taeao o le isi aso;
 - iii. Le tatala o auunaga ua faatulagaina i le Aso Sa mai le 12:00 i le aoauli seia oo i le 10:00 i le po.
 - iv. Le tatala o potopotoga uma e aofia ai ma tapuaiga i totonu o maota ma fafo, i le aiaiga e tausisia pea le tutu ma le nonofo vãvã, faia o punifofoga (facial masks) faapea le fa'aalia o Pepa Tui (Vaccination Cards);
 - v. Le tatala o femalagaiga e ulufale mai i Samoa mo so'o se mafuaaga mo tagatanuu o Samoa, ae ia mulumulitaia pea aiaiga faasoifua maloloina;
 - vi. Le tatala o avanoa mo tagata mai fafo e galulue i konekarate faavaomalo i Samoa nei, ae ia usitaia aiaiga faasoifua maloloina;
 - vii. Le tatalaina o tuaoi faavaomalo o le atunuu i soo se tasi ia Aokuso ma Setema o le tausaga nei. Ua faatonuina le Komiti o Faalavelave Faafuasei ina ia faatino loa

tapenaga moomia uma e aofia ai malaga a vaalele ina ia taoto lelei le faatinoina o lenei fuafuaga;

- viii. Le toe faatulaga o aiaiga mo le faanofoesea o i latou e malaga mai i le atunuu, i le aiaia i le fitu (7) aso mo i latou o loo faanofoesea i le taimi nei. Mo isi malaga uma ua fuafua mai i le masina nei ma le agai atu i le lumanai, o le a faanofoesea nā o i latou o le a positive o latou suega i le taunuu mai ai i Samoa nei. Peitai, mo i latou uma e faatino atu a latou suega o loo manuia (negative) o le a faate'a uma i tua i o latou aiga e faanofoesea ai. Ua faatonuina le Matagaluega o le Soifua Maloloina ina ia faatulaga lelei aiaiga mo i latou uma o le a faate'a i tua e faanofoesea ai mo le lipoti mai o a latou suega (test results) i le Matagaluega o le Soifua Maloloina i taimi faatulagaina;

E faatumauina pea isi aiaiga o Poloaga o Faalavelave Tutupu Faafuase'i ua faatulaga i lalo o le Laasaga 2.

O lenei faaiuga na faia i lona tulaga faanatinati e tusa ai ma le Vaega 38(1)© o le Faavae o le Malo Tutoatasi o Samoa.